

SPORAZUM O SARADNJI

između

SARAJEVSKE REGIONALNE RAZVOJNE AGENCIJE, SERDA d.o.o. SARAJEVO,
ul. Hamdije Čemerlića br. 2/XI, Sarajevo (u daljem tekstu SERDA) koju zastupa
direktor Ševkija Okerić

i

PRIRODNO MATEMATIČKOG FAKULTETA, ul. Zmaja od Bosne 33-35, Sarajevo
(u daljem tekstu Fakultet) kojeg zastupa dekan prof. dr. Rifat Škrijelj

Član 1.

Predmet ovog Sporazuma je uspostavljanje međusobne saradnje u okviru projekta „Jačanje i istraživanje inovativnih potencijala u Jadranskoj regiji putem zajedničke istraživačke inicijative vođenih METRIS istraživačkim centrom – METRIS PLUS“, a u cilju osnaživanja znanstvenih, tehnoloških i istraživačkih kapaciteta prekograničnog područja Jadranske regije u sektoru eko-inovacija. Projekat je odobren u okviru IPA ADRIATIC programa, dok je vodeći partner na projektu Istarska razvojna agencija - IDA (Hrvatska).

Član 2.

Pomenuta saradnja između potpisnika Sporazuma, realizovaće se kroz postizanje održivosti Projekta, i to kroz slijedeće aktivnosti:

- zajedničko planiranje aktivnosti,
- razmjenu informacija i podataka bitnih za realizaciju projekta,
- i druge zajedničke aktivnosti koje predstavljaju obostrani cilj ili interes strana potpisnica Sporazuma.

Član 3.

SERDA je odgovorna za implementaciju projekta tokom cijelog njegovog trajanja i finansijsko izvještavanje, kao i za cjelokupnu korespondenciju i ispunjavanje obaveza prema Vodećem partneru na projektu. SERDA će u okviru Projekta nabaviti:

- laboratorijsku opremu za određivanje nivoa zagađenja rijeka

Član 4.

Imajući u vidu karakter i cilj projekta, a to je osnaživanje znanstvenih, tehnoloških i istraživačkih kapaciteta prekograničnog područja Jadranske regije u sektoru eko-inovacija, a s obzirom da je Prirodno matematički fakultet pogodan partner za daljnji razvoj projektnih aktivnosti, Fakultet će osigurati:

- održivost Projekta istraživanje i praćenjem stanja voda u BiH;
- funkcionalno korištenje laboratorijske opreme kojom će se moći odrediti nivo zagađenja rijeka u Bosni i Hercegovini, Odsjek za biologiju fakulteta će moći involvirati mlade educirane osobe u proces istraživanja i monitoringa.

Član 5.


U toku implementacije, a imajući u vidu specifične aktivnosti projekta, oprema nabavljena u okviru projekta bit će zajednički korištena isključivo u cilju pravovremene implementacije projektnih aktivnosti, a pravo vlasništva i raspolaganja opremom i robama u toku projekta imat će SERDA, kao partner projekta. Fakultet može koristiti opremu nabavljenu u okviru projekta, u toku realizacije projektnih aktivnosti, posebno onih koje se odnose na određivanje nivoa zagađenja rijeka u Bosni i Hercegovini. Sva oprema ostaje u vlasništvu Projekta, a njen krajnji korisnik i vlasnik bit će odobren od strane Vodećeg partnera, na osnovu Certifikata o prenosu vlasništva (Handover cetificate), najkasnije do okončanja projekta.

Član 6.

Ovaj sporazum vrijedi do okončanja projekta, kao i do finalizacije postupka određenja i prenosa prava vlasništva za opremu nabavljenu u okviru projekta i finalnog usvajanja završnog narativnog i finansijskog izvještaja od strane Ugovornog tijela projekta.

Član 7.

Sporazum je sačinjen u 4 (četiri) originalna primjerka od koji po 2 (dva) idu za svakog od Potpisnika.



Datum: 16.05.2014.

Broj: uG-73/14



Datum: 16.05.2014

Broj: 0707/1264/1-2014